

Lungzswng: 75 Fanh Ciengj Hawj Boux Hagseng Gauhgauj Ndei Haenx

龙胜：75 万奖励高考优秀生

8 nyied 22 hauh, Lungzswng Gak Cuz Swciyen ciuhai bi 2017 gauhgauj youhsiu hagseng biujieng daihhoih, Yenveij, Yencwngfuj dawz ok 75 fanh maenz doiq gyoengq hagseng gauhgauj ndei haenx guh biujieng ciengjli.

Gaenh geij bi neix daeuj, aen yienh neix gyahung doiq gyauyuz cuengqhaeuj caeuq hauejcoengh, gyauyuz fazcanj suij-bingz bingzonj daezsang, gaujsi cingzcik it bi it mbaek lae, mbouj duenh ndaej mauhgvaq, yinzminz doiq gyauzyuz muenxeiq mboujduenh demgiengz. Bi 2017, aen yienh neix gauhgauj hwnj itbwnj sienq

dabdaengz 77 vunz, ngeihbwnj sienq 448 vunz, dwg lizsij cei q ndei, ndawde miz boux ndeu ndaej gauj hwnj Bwzgingh Dayoz, 8 boux ndaej gauhyau mizmingz sienq daezdangj Gvangjsih vwnz lijgoh cib mingz aeu gonq haenx.

(Vuz Swngbinh Lungz Cuhginh/吴生斌 龙初金)

► Gunghcoz yinzyenz fat ciengj hawj hagseng.



▲ Gyoengq vwnzyi guzgan nyinhcaen lienh foux.

Lozcwngz Gawjhengz Daengx Yienh Lajmbanj Vwnzyi Guzgan Fouxgvangjcangz Banbeizyin

罗城举行全县农村文艺骨干广场舞培训班

8 nyied 29 hauh daengz 9 nyied 1 hauh, Lozcwngz Mulaucej Swciyen lajmbanj vwnzyi guzgan (fouxgvangjcangz) banbeizyin youq Lozcwngz Vwnzva' gvanj gawjhengz, 50 lai boux vwnzyi guzgan doihvwnzyi yezyiz daj gak aen yanghcin daeuj haenx camgya mbat beizyin mbouj aeu cienz neix.

Ciuq cam rox, mbat banbeizyin neix dwg youz Lozcwngz Vwnzgvangjsinhdigiz cawjbanh, Lozcwngz Vwnzva' gvanj ciepbanh, banbeizyin youz vwnzva' gvanj caeuq yisuzdonz conhyez heiqfoux lauxsae daeuj son, sawjyung "sam mbouj aeu hingzik" yivu bujgiz sonhag mbouj aeu cienz, soengq sawson mbouj aeu cienz, beizyin mbouj aeu cienz.

Beizyin sat le, gyoengq vwnzyi guzgan neix yaek dawz doengh bouh fouxmoq caeuq gij neiyungz moq haenx daiq ma daengz lajmbanj gak yanghcin, cujcz daiqlingx gihminz haiguh cangqheiq mizik, gaenxmaenx doxhwnj vwnzdij hozdung.

(Moz Vwnzswh Loz Gyahgenh/莫文师 罗佳娟)

Daihagseng Moq Gungzhoj Yungzsuij Angq Ndaej Cienzbang Vunz Simndei Sinhcin Hawj

融水贫困大学新生喜获深圳爱心人士资助

8 nyied 30 hauh, Sinhcin Si Gizcunhmaj Swzsienh Gihginhvei ok cienz bangbouj Yungzsuij Cunghyoz gungzhoj hagseng gauhgauj cienzbang fatcuengq yizsi youq aen hagdangz neix duzshugvanj gawjhengz. Mbatneix gungh fat cienzbang 15 fanh maenz, miz 50 boux gungzhoj hagseng gauhsam bizyey maenhndei haenx ndaej bangcienz, moix vunz ndaej bangcienz 3000 maenz.

(Liengz Lizmingz Moz Meijginz/梁立明 莫美群)



▲ Fat cienzbang sat le hab'ingi.



▲ Yungzsuij Cunghyoz hagseng daiqbiuj soengq geiz hawj vunz simndei.

“Meh Bing” Bouxcuengh Camnai Cungzcoj Bienfuengz Boux Binglax Yaek Duivuj

壮族“兵妈妈”亲切慰问崇左边防即将退伍老兵



▲ “Meh bing” caeuq gyoengq guenbing caez duk gyaujswj.

8 nyied 30 hauh banhaet, Bingzsiengz Si Swhsjwsanh Segih Veijyenzvei cujyin Luz Veicinh daiq 4 “meh bing” Bouxcuengh bae daengz Cungzcoj Si Gungh' anh Bienfuengz Cihdui Bingzsiengz bienfuengz Baicuzsoj, yawjgonz camnai boux binglax Cinz Fungh yaek duivuj haenx.

Gyoengq “meh bing” Bouxcuengh caeuq boux binglax Cinz Fungh damzsim, gujli de dawz budui ndei conzdungj, ndei cozfungh daiq ma mbanjranz, guh hangz ndeu, gyaiez hangz ndeu, maij hangz ndeu, maenh hangz ndeu, vih mbanjranz gunghawj ligliengh. Riengzlaeng daihgya itheij doengh fwngz gaenx mba, faeg byaek, bauduk guh gyaujswj caez gwn, ciengzmienh doxhuz nauhyied.

(Cai Cwngh/蔡 铮)